

四庫全書

子部

欽定四庫全書

古今事文類聚續集卷十三

宋 祝穆 撰

燕飲部

御宴

羣書要語雲上於天需君子以飲食宴樂需卦王燕則諸

侯毛

禮

宮酒以黃帕封故謂之黃封酒

雜志

詩句蕭曹拱御筵

杜

遽厭天庖鮮

坡

珍熟具太官

坡

紫

駝之峰出翠釜

杜

御厨絡繹送八珍

杜

侍臣鵠立通明

殿一朶紅雲捧玉皇

坡

上尊御食傳恩光

陸放翁

九天日

月開清宴

楊誠齋

古今事實

鎬京之宴

武王詩魚在在藻有頌其首王在在鎬豈樂飲酒

湛露之宴

成王詩湛露天子燕諸侯也

雒陽宮之宴

高皇置酒雒陽宮上曰通侯諸將皆言其情吾所以有天下者何項氏之所以失天下何高起王陵對曰云云上曰張良蕭何韓信三者皆人傑吾能用之項羽有一范增而不能用此所以為我禽也羣臣悅服

未央宮之宴

九年淮南王梁王趙王楚王朝未央宮置酒前殿上奉玉卮為太上皇壽曰始大人常以臣亡賴不能治產不

如仲力今某之業所就孰與仲多殿上羣臣皆稱萬歲
大笑為樂

沛宮之宴

十二年上破布還沛留置酒沛宮悉召故人父老子弟
佐酒發沛中兒得百二十人教之歌酒酣上擊筑自歌
曰大風起兮雲飛揚威加海內兮歸故鄉安得猛士兮
守四方令兒皆和習之上乃起舞慷慨傷懷泣數行謂
沛父兄曰游子悲故鄉吾雖都闕中萬歲之後吾魂魄

猶思沛其以沛為朕湯沐邑

長樂宮之宴

高帝悉去秦儀法為簡易羣臣飲爭功醉或妄呼拔劍
擊柱叔孫通與弟子共起朝儀為繇叢野外習之會長
樂宮成諸侯羣臣朝廼今羣臣隸習於是皇帝輦出房
百官執戟傳警御史執法舉不如儀者輒引去竟朝置
酒無敢諠譁失禮者帝曰吾乃今日知皇帝之貴也

賦詩奪錦

唐武后遊龍門命羣臣賦詩先成者賜錦袍左史東方虬詩先成陳設拜賜坐未安宋之問詩復成文理兼美左右莫不稱善乃就奪錦袍衣之其詞曰宿雨霽妖氛流雲度城闕

雨中錫宴

宋太祖大宴雨暴作上不悅趙普奏曰外面百姓正望雨官家大宴何妨只是損得此陳設濕得些樂官衣裳但令雨中作雜劇更可笑此時雨難得百姓快活時正

好飲酒宴樂太祖大喜宣令雨中作樂宣勸滿飲盡歡

而罷

賈氏
談錄

賜宴問酒價

真宗嘗曲宴羣臣於太清樓君臣懽笑無間忽問鄺沾
尤佳者何處中貴人以實價對之上遽問近臣曰唐酒
價幾何無能對者惟丁晉公奏曰唐酒每斗三百上曰
安知丁曰臣嘗讀杜甫之詩曰速來相就飲一斗恰有
三百青銅錢是知一斗三百上大喜曰甫詩可為一時

之史

玉壺清話

誤食釣餌

仁宗朝王安石知制誥一日賞花釣魚宴內侍各以金
堞盛釣餌藥置几上安石食之盡明日謂宰輔曰王安
石詐人也使誤食釣餌一粒則止矣食之盡不情也

聞見

錄

賜酒辭醉

寇準在中書多召兩制就第飲宴必閉關竒留之畏謹

者甚懼李宗諤嘗於門扉下竊出得馬而走後為修宮
使恩顧漸深一日召至玉宸殿賜酒宗諤堅辭以醉且
云日暮上令中使附耳語云此中不須從門扉下出
披金
遺事

伶人譏賦詩

賞花釣魚賦詩往往宿製天聖中永興軍進山水石因
命賦山水石歌出於不意多荒惡者中坐優人入戲各
執紙筆若吟詠狀一人忽仆於石上曰數日來作賞花

釣魚詩准備應制却被這石頭擦倒明日降出詩令中

書銓定內鄙惡者與外任

范蜀公東齊遺事

古今文集

古詩

古樂府

生年不滿百常懷千歲憂晝短苦夜長何不秉燭遊為
樂當及時何能待來茲愚者愛惜費但為後世嗤仙人
王子喬難可與等期

芙蓉池作

魏文帝

乘輦夜行遊逍遙步西園雙渠相溉灌嘉木繞通川卑
枝拂羽蓋修條摩蒼天驚風扶輪轂飛鳥翔我前丹霞
夾明月華星出雲間上天垂光采五色一何鮮壽命非
松喬誰能得神仙遨遊快心意保已終百年

瑩篌引

曹植

置酒高殿上親友從我遊中厨辦豐膳烹羊宰肥牛秦
箏何慷慨齊瑟和且柔陽阿奏奇舞京洛出名謳樂飲

過三爵緩帶傾庶羞主稱千金壽賓奉萬年酬久要不
可忘薄終義所尤謙謙君子德罄折欲何求驚風飄白
日光景馳西流盛時不可再百年忽我遒生在華屋處
零落歸山邱先民誰不死知命復何憂

公讌

曹植

公子愛敬客終宴不知疲清夜遊西園飛蓋相追隨明
月澄清景列宿正參差秋蘭被長坡朱華冒綠池潛魚
躍清波好鳥鳴高枝神飈接丹轂輕輦隨風移飄飄放

志意千秋長若斯

公讌

王粲

昊天隆豐澤百卉挺歲蕤涼風徹蒸暑清雲却炎暉高
會君子堂並坐蔭華棖嘉肴充圓方

俎豆也

旨酒盈金罍

管絃發徽音曲度清且悲合坐同所樂但慙盃行遲嘗
聞詩人語不醉且無歸今日不極歡含情欲待誰見眷
良不翅守分豈能違古人有遺言君子福所綏願我賢
主人與天享巍巍克符周公業奕世不可追

公讌

劉楨

永日行遊戲歡樂猶未央
遺思在玄夜相與復翱翔
輦車飛素蓋從者盈路傍
月出照園中珍木鬱蒼蒼
清川過石渠流波為魚防
芙蓉散其華菡萏溢金塘
靈鳥宿水裔仁獸游飛梁
華館寄流波豁達來風涼
生平未始聞歌之安能詳
投翰長歎息綺麗不可忘

律詩

錫宴日作

韓渥

是歲大稔內出金帛賜百官充觀稼宴學
士院別賜越綾百匹委京局勾當後宰相
一日宴于興化亭

玉銜花馬踏香街詔遣追歡綺席開中使押從天下去
外人知自日邊來臣心淨比漪漣水聖澤深於灩澦堆
纔有異恩頒稷契已將優禮及鄒枚清商適向梨園降
好妓新行峽雨回不敢通宵離禁直晚乘殘照入銀臺
仁宗皇帝後苑賞花釣魚御製詩

晴旭暉暉苑籞開
氤氲花氣好風來
游絲罥絮紫行仗
墮蘂飄香入酒盃
魚躍紋波時潑刺
鶯留深樹久徘徊
青春朝野方無事
故許歡遊侍從陪

和

韓琦

花簇香亭萬朵開
瑤輿高自九關來
輕陰閣雨迎天仗
寒色留春送壽盃
仙吹徹雲終縹緲
恩魚逢餌幾徘徊
曾參二十年前會
今備台司得再陪

和

鄭獬

輦露鮮雲五色開一聲清蹕下天來水光翠繞九重殿
花氣濃薰萬壽盃繡幕煙深紅會合文竿風引綠徘徊
蓬山絕景無人到詔許羣仙盡日陪

和

王安石

蔭幄晴雲拂曉開傳呼仙仗九天來披香殿上留朱輦
太液池邊送玉盃宿藥暖吞風浩蕩戲鱗清映日徘徊
宸章獨與春爭麗恩許賡歌豈易陪

又

藹藹祥雲輦路晴傳呼萬歲雜春聲蔽虧玉仗宮花密
映燭金溝御水清珠蘂受風天下暖錦鱗吹浪日邊明
從容樂飲真榮遇願賦嘉魚頌太平

詩話

不與賜燕

楊文公為光祿丞後苑賞花宴不得預以詩貽諸館閣
曰聞戴宮花滿髻紅上林絃管待重瞳蓬萊咫尺無由
到始覺仙凡迥不同太宗皇帝聞之乃詰所司以不召

之故左右皆曰以未貼職例不得召即命直集賢院遂

預晚宴

通水
燕談

不許與燕

翰林學士李宗諤以京官帶職赴內宴閣門拒之獻詩

曰戴了宮花賦了詩不容重覩黃衣無聊獨出金門

去恰似當年下第歸太宗覽詩即宣赴坐後遂為例雖

選人帶館職亦同赴宴

青箱
雜記

以詩為戲

章聖朝春月多召兩府兩制三館於後苑賞花釣魚賦詩自趙元昊叛西陲用兵廢缺甚久嘉祐末仁宗為修故事羣臣和御製詩是日微寒韓魏公時為首相和詩卒章云曾叅二十年前會今備臺司得再陪時內侍都知任守忠常以滑稽侍上從容曰韓琦譏陛下仁宗愕然問其故守忠曰譏陛下遊宴太頻仁宗為之笑

應制稱旨

真宗朝歲歲賞花釣魚羣臣應制嘗一日臨池久而御

釣不食丁晉公為應制詩曰鶯驚鳳輦穿花去魚畏龍
顏上釣遲真宗稱賞羣臣以為莫及

詩有所祖

仁廟嘉祐中賞花釣魚介甫以知制誥預末坐帝出詩
示羣臣次第屬和傳至介甫日將夕矣亟欲奏御得披
香殿字未有對時鄭毅夫獬接席顧介甫曰宜對太液
池故其詩有云披香殿上留朱輦太液池邊送玉盃翌
日都下盛傳王舍人竊柳詞太液波翻披香簾捲介甫

頗街之復齋謾錄云余讀唐上官儀初春詩步輦出披
香清歌臨太液乃知荆公取儀詩豈謂柳詞耶

西清詩話

伶人譏和詩難

仁宗賞花釣魚宴錫詩執政諸公洎禁從館閣皆屬和
而徘徊二字無他義諸公進和篇皆押徘徊再坐教坊
雜戲為數人尋訪稅第至一宅觀之至前堂之後問所
以曰徘徊也又至後堂東西序亦問之皆曰徘徊也一
人笑曰可則可矣徘徊太多

韓魏公語錄

酒 禁釀附

羣書要語麴

一作酢

酒母也醱生衣也二熟麴也蘖牙米

也醴酒一宿熟也醪汁滓酒也酎三重之酒也醕薄酒

也醕旨酒也

說文

酒有汎齊浮蟻在上汎汎然

釋名

若作酒

醴爾惟麴蘖

說文

十月穫稻為此春酒

七月

酒正掌酒之政

令以式法授酒材辨五齊之名物一曰泛齊二曰醴齊

三曰盎齊四曰醖齊五曰沉齊又辨三酒之物一曰事

酒二曰昔酒三曰清酒

周禮

漢武帝立酒泉郡有井水色

白有酒氣故名

本記

清酒百壺

韓奕

酒既和旨

賓筵

君子有酒

多且旨

魚麗

有酒如池如澠

左傳

餐未及下咽酒未及濡脣

記秦酒者天之美祿帝王所以頤養天下享祀祈福扶衰

養老百福之會非酒不行

漢食貨志

夫鹽食肴之將酒百藥

之長

王莽詔

銷憂者莫若酒

東方朔傳

酒為歡伯除憂乘樂

集真

易

詩句浮蟻對春開

庾信

濁醪有妙理

杜鵑

兒黃似酒

杜鵑

山

盃竹葉春

杜鵑

坐開桑落酒

杜鵑

齋釀寒更醇

魯

不放香醪

如蜜甜杜一盃春酒甘若飴韓

古今事實

儀狄造酒

昔儀狄作酒而美進之於禹禹飲而甘之遂疏儀狄乃

絕旨酒戰國策

魯酒薄

楚宣王朝諸侯魯恭公後至而酒薄宣王怒乃發兵與齊攻魯一日與趙俱獻酒於楚王王主酒吏以魯薄酒

易趙厚酒楚王以趙酒薄遂園邯鄲

淮南子

葡萄酒

漢大宛國造葡萄酒

貨殖傳

唐憲宗遣使賜李絳葡萄酒

本傳

九醞酒

漢制以正月旦造酒八月成名曰九醞一名醇酎

西京雜記

漢賜上尊

漢賜丞相上尊注糯米一斗為上尊稷為中粟為下

酉日不飲

杜康善造酒以酉日死故酉日不飲酒會客

論略

從事督郵

桓溫有主簿善別酒好者謂青州從事惡者為平原督郵蓋青州有齊郡平原有鬲縣從事謂到臍下督郵言鬲上

清聖濁賢

鮮于輔曰醉客謂酒清者為聖人濁者為賢人

詳見酣飲門

齊釀

劉弘字季和都督荊州下教曰酒室中云齋中酒廳事
酒猥酒優劣三品投醪當與三軍同其厚薄自今不得
分別

兵厨善釀

阮籍聞步兵厨營人善釀有貯酒三百斛乃求為步兵
校尉

白墮善釀

晉河東人劉白墮善釀酒飲者醉不能醒永熙中青州刺史毛鴻賓賣酒之藩逢盜劫酒飲之皆醉被擒因名

擒姦酒

洛陽伽藍記

賜桑落酒

晉宣帝時羌人來獻桑落酒故九日賜百寮飲蓋桑落河出馬乳酒羌人兼葡萄來獻

世說

釀千日酒

劉玄石善飲或飲以千日酒歸醉不醒以為醉死葬之

與酒者往諭其家共發冢示之至日忽醒而起無恙注
中山有千日酒飲之昏醉輒千日

十年不敗

煬帝造玉薤酒十年不敗

龍城錄

待詔樂酒

王績待詔門下省故事官給酒三斗或問待詔何樂答
曰美醞三升差可戀耳侍中陳叔達聞之日給一斗時
號斗酒學士

著酒經

焦革善釀革死王績追述其法以為經又采儀狄杜康
以來善造酒者為譜

麴生風味

葉法善居玄真觀嘗有朝士詣之解帶淹留滿座思酒
忽有一美措傲晚直入稱麴秀才年二十餘肥白可觀
笑揖諸公末席抗聲譁論良久暫起法喜曰此子突入
詞辯如此豈非魑魅為惑俟其復至密以小劒擊之應

手墜于階下化為瓶榼一座驚懾遽視乃一瓶醲醞咸
笑飲之其味甚佳曰麴生風味不可忘也

唐開元記

推酒牀

彭任聞富彥國當使不測之敵憤憤推酒牀拳皮裂

老蘇

送石昌言
北使引

搜私釀 以下係禁釀

趙廣漢為京兆突入博陸侯霍禹第門索私釀酤推破
壚罌斧破門闕

表置酒禁

曹操以年饑兵興表制酒禁孔融書爭之融因得罪徐邈私飲至於沉醉操怒罰之

蜀旱禁釀

蜀簡雍拜昭德將軍性簡傲跌宕在先主座席猶箕踞傾倚時天旱禁釀酒者有刑吏於人家索得釀具論者欲罰雍與先主游觀見男女行道謂先主曰彼人欲行淫何以不縛先主曰何以知之對曰彼有其具與欲釀

者同先主大笑而原欲釀者滑稽皆此類

古今文集

雜著

陸誥傳

唐子西

陸誥麴城人少與壺子商君相友善約先貴無相忘已而壺子任太常商君任主爵都尉通顯矣而誥方青州為從事壺商等上疏曰臣等亡狀蒙陛下器使待罪九卿自非得天下賢聖與之同升則非但無以副陛下傾

渴而臣等亦自不滿臣友麴城陸諤者舉世莫能測其
為人以為剛又無虐以為柔又有立文雅醞藉號為醇
儒至論全身保家活國安天下則又似謀臣策士往時
袁盎相吳王驕日久數陷害二千石盎用其兄子種計
與諤享善卒賴其力得脫虎口以歸此全身之道也呂
太后時羣臣動見覆族呂類讒陳平曰平為相非治事
專從諤戲婦女太后聞之私獨喜而平得以全其宗此
保家之效也河南獻王修德為仁義天子不悅王懼日

夜與譚語不厭相事幾廢而民間作畫一之歌此安天下之效也臣聞王者尊有德進有功今譚既賢聖而上自朝廷郊廟燕享下至田里冠昏聚會譚未嘗不在其間功效不為人後而位青州從事薄空置臣亡益上從其言遣壺子持節召譚至見上歡甚是日拜譚光祿勳頃之封醴泉侯食千戶譚歎曰生我者天地成我者壺商也二人既薦譚以身下之然上每念譚輒并召二人譚卒謚懿侯子醇嗣至曾孫醜不肖以罪廢國除譚既

設二人亦斥踈不復召用云

太史公曰漢興陸賈以辨說游公卿間名聲籍甚為太
中大夫以壽終而譖復以德業位九卿賜爵列侯傳國
數世陸氏之先豈有天祿哉

洞庭春色賦

并引

蘇子瞻

安定郡王以黃柑釀酒名之曰洞庭春色
其猶子德麟得之以餉予戲作賦曰

吾聞橘中之樂不減商山豈霜餘之不食而四老人者

游戲於其間悟此世之泡幻藏千里於一斑舉粟葉之
有餘納芥子其何間宜賢王之達觀寄逸想於人寰嫋
嫋兮春風泛天宇兮清閒吹洞庭之白浪漲北渚之蒼
灣携佳人而往游動霧鬢與風鬟命黃頭之千奴卷震
澤而與俱還揉以二米之禾籍以三脊之管忽雲蒸而
冰解旋珠零而涕潛翠勺銀罌紫絡青編隨屬車之鴟
夷欵木門之銅環分帝觴之餘瀝幸公子之破慳我洗
盞而起嘗散腰足之痺頑盡三江於一吸吞魚龍之神

姦醉夢紛紜始如髦鬻鼓包山之桂楫扣林屋之瓊闕
卧松風之瑟縮揭春溜之淙潺追范蠡於渺茫弔夫差
之惓惓屬此觴於西子洗亡國之愁顏驚羅襪之塵飛
失舞袖之弓彎覺而賦之以授公子曰烏乎噫嘻吾言
夸矣公子其為我刪之

中山松醪賦

蘇子瞻

始予宵濟於衡漳軍徒涉而夜號燧松明以記淺散星
宿於亭皋鬱風中之香霧若訴予以不遭豈千歲之妙

質而死斤斧於鴻毛效區區之寸明曾何異於束蒿爛
文章之糾纏驚節解而流膏嘻構厦其已遠尚藥石之
可曹收薄用於桑榆製中山之松膠救爾灰燼之中免
爾螢爝之勞取通明於盤錯出肪澤於煎熬與黍麥而
皆熟沸春聲之嘈嘈味甘餘之小苦歎幽姿之獨高知
甘酸之易壞笑涼州之葡萄似玉池之生肥非內府之
烝羔酌以瘳藤之紋搏薦以石蟹之霜螯曾日飲之幾
何覺天刑之可逃投莊杖而起行罷兒童之抑搔望西

山之咫尺欲褰裳以游遨跨超峯之奔鹿接挂壁之飛
猱遂從此而入海渺翻天之雲濤使夫嵇阮之倫與八
仙之羣豪或騎麟而翳鳳爭楫挈而瓢操顛倒白綸巾
淋漓宮錦袍追東坡而不可及歸哺啜其醅糟漱松風
於齒牙猶足以賦遠遊而續離騷也

古詩

生酒歌

楊廷秀

生酒清於雪煮酒赤如血煮酒不如生酒烈煮酒只帶

煙火氣生酒不離
泉石味石根泉眼新
汲將麴米釀出
春風香坐上
猪紅間熊白
甕頭鴨綠變
鵝黃先生一醉
萬事已那知
身在塵埃裡

律詩

竹葉酒

宜城九釀酒
號竹葉酒

楊廷秀

楚人汲漢水釀酒古宜城
春風吹酒熟猶似漢江清
耆舊前人在丘墳應已平
唯餘竹葉麴留此千古情

茅柴酒

韓子蒼

三年逐客卧江臯自與田工釀小糟飲慣茅柴諳苦硬
不知如蜜有香醪

新釀桂酒

蘇子瞻

搗香篩辣入餅盆盎盎春溪帶雨渾收拾小山藏社甕
招呼明月到芳樽酒材已遣門生致菜把仍叨地主恩
爛煮葵羹斟桂醕風流可惜在蠻村

真一酒

蘇子瞻

米麥水三一而已此真一酒法也

撥雪披雲得乳泓
蜜蜂又欲醉先生
稻垂麥仰陰陽足
器潔泉新表裏清
曉日看顏紅有暈
春風入髓散無聲
人間真一東坡老
與作青州從事名

詩話

郛筒酒

郛縣人剡竹傾春釀於筒
閉以藕絲苞以蕉葉
信宿馨達於竹外
然後斷之以獻號為
郛筒酒故杜詩云酒
憶郛筒不用酤

桑落酒

河中桑落坊有井每至桑落時取其寒暄得所以井水

釀酒甚佳故號桑落酒庾信詩蒲城桑落酒

後史補

洞庭春色

定安郡王以黃柑釀酒色香味三絕故東坡詩云去年
洞庭春香霧常嘆手今年洞庭春玉色疑非酒瓶間香
浮坐盛光照檻牖要當立名字未可問升斗應呼釣詩
鈎亦號掃愁帚須君灑灑盃澆我談天口

雜著 係禁釀

辨禁私釀書

曹操欲製酒禁孔融與操書云天垂酒星之曜地列酒
泉之郡堯不千鍾無以建太平孔非百榼無以堪上聖
樊噲解厄鴻門非鍾酒無以奮其怒趙之廝養東迎其
主非卮酒無以激其氣高祖非醉斬白蛇無以暢其靈
景帝非醉幸唐姬無以開中興袁盎非醇醪無以脫其
命定國不酣飲一斛無以決其法故酈生以高陽酒徒

著功於漢屈原不鋪糟歎醕取困於楚由是酒何負於政哉

酒器

羣書要語凡觴一升曰爵二升曰觚三升曰解四升曰

角五升曰散一石曰壺五斗曰甬禮器注梓人為飲器爵

二升獻以爵而酬以觚冬官飲玉爵者弗揮禮曲洗爵奠斚

行朋酒斯饗注兩樽曰朋七瓶之罄矣維壘之耻注瓶

小而壘大蓼莪滑稽酒器也轉注吐酒終日不已今之陽

燧樽

崔浩音義

詩句山盃捧竹根

庾信

酡顏傾鑿落

韓翃句蓋飲器也

誰能載酒

開金盞

杜

指點銀瓶索酒嘗

杜

琉璃鍾琥珀濃小槽酒

滴真珠

紅李

賀鸕鷀杓鸚鵡盃百年三萬六千日一日須

傾三百盃

李

白愁裏酒盃浮大白

揚大年

佳人斗南北酒美

玉東西

山谷

酒酣金盞照東西

魯

古今事實

歷代之尊

泰山有虞之尊也山壘夏后氏之尊也著商尊也犧象

周尊也

明堂位

犧尊象尊著尊壺尊泰尊山尊皆有壘

司尊

彝

犧象二尊全刻牛象之形鑿其背以為尊

三禮圖

三代之爵

夏后氏以琖商以斚周以爵

明堂位

金壘

卷耳后妃之志也知臣下之勤勞詩云我姑酌彼金壘
注人君以黃金飾尊大一石金飾龜目蓋列為雲雷之

象謂之壘者取象雲雷博施如人君下及諸臣

兕觥

見罰酒門

大斗

周成王行葦詩酌以大斗

白獸樽

正旦元會設白獸尊於闕庭蓋上設白獸若有能獻直言者則發此尊飲酒按白獸尊乃杜舉遺式也示無忌

憚也

晉禮志

三爵命名

晉劉表有酒爵三大曰伯雅

七升

次曰仲雅

六升

小曰季雅

五升

羽觴

王羲之蘭亭詩羽觴隨波

舉白

又見罰酒太白注

文選云飛觴舉白蓋酒器也

酒船

畢卓嘗曰得酒滿數百斛船拍浮酒船中便足了一生

金叵羅

齊著作郎祖珽有文章而疎率無行嘗因宴失金叵羅
後於珽髮上得之近世以洗為金叵羅若果為洗其可
置之髻上未知果何物也

聞見錄

鴛鴦盞

唐張易之與李迥同飲以鴛鴦盞一隻共飲取其常相

逐也

雞距集

偏提

唐元和間酌酒謂之注子後仇士良惡其名同鄭注乃

去其柄安繫名曰偏提

謝馮事類

酒器七品

李適之有蓬萊盞海山螺舞仙螺苑子卮慢卷荷金蕉

葉玉蟾兒

逢原記

荷盃

李宗閔暑月臨池以荷為盃

語林

玻璃盃

太真妃持玻璃七寶盃酌蒲萄酒

樂史李太白後序

酒魁

蜀中有酒器名酒魁詩人所謂酌以大斗遺制象北斗有魁柄

酒榼

見酒門麴生注

誤碎玉盃

見德量門

銀酒海

葉鈞大宴有裴弘泰後至罰以坐上小爵至觥船飲皆
竭隨即寘器于懷有銀海受一斗一飲而盡踏其海卷

抱之索馬徑去

乾饌子

玉蓮盃

有王永年娶宗女監金耀書庫嘗置酒延賓卞楊繪於
室出其妻間坐妻以左右手掬酒以飲卞繪謂之白玉
蓮花盃後永年盜庫書下獄引卞繪受饋俱落職

東軒筆記

蕉葉盃

東坡云吾兄子明飲酒三蕉葉吾少時望見酒盛而醉
今亦能三蕉葉矣

志林

婪尾盃

詳見燕會門

蘇鶚云今人以酒巡匝為婪尾又云婪貪也謂處於坐
末得酒既貪婪故宋景文云迎新送故只如此且盡燈
前婪尾盃而樂天詩三盃藍尾酒但改婪為藍耳

不好珍器

杜祁公享客多用髹器客有面稱歎曰公嘗為宰相清

貧乃爾耶公命侍人盡取白金燕器陳於前曰行非乏此雅不自好耳然祁公好施亦卒不畜也

家塾記

借珍器不還

胡旦大監出知明州同年董儼給事知揚州延留甚歡入後館出姬侍宴豆皆上方珍器旦曰人生會合難得來日能枉駕敝舟數杯可乎又曰珍器家貧未識可略假借夸示妻孥否董以巨奩盡貯送至舟中明日不告而去後乃送還之

玉壺清話

古今文集

雜著

題魏府藏趙公飲器

朱元晦

趙公飲器魏府藏我思兩公愛甘棠惟魏子孫寶無數
敬奉其盈如弗克平陵朱某拜手刻

古詩

寄崔立之

韓愈

我有雙飲醖其銀得朱提

前漢朱提銀其直貴

黃金塗物象雕鐫

妙工倖乃令千里鯨么麼微螽斯猶能爭明月擺掉出
渺瀰野草花葉細不辨寶葉施綿綿相糾結狀似環城
陴四隅芙蓉樹擢豔皆猗猗鯨以興居狀失所逢百罹
月以喻夫道匏勉勵萬虧草木明覆載妍臭齊榮萎愿
君恒御之行止親燧鴈異日斯對舉當如合分支

獨酌試藥玉盞有懷諸君子明日望夜月庭
佳景不可失作詩招之
蘇子瞻

鎔鉛煑白石作玉真自欺琢削為酒盃規模定州瓷荷

心雖淺狹鏡面良渺瀰持此壽佳客到手不容辭曹侯
天下平定國豈其師一飲至數石溫克頗似之風流趙
王孫詩酒屢出奇喜我有此客玉盃不容施請君法歐
陽問疾來何遲呼兒掃月榭扶病良及時

次韻蘇公獨酌試藥玉盞 陳無已

仙人棄餘糧玉色已可欺小試換骨方價重十冰甕灌
以長白虹渺若江海瀰浮之端不惡舉者不可辭但愧
聞道晚早從鴈門師律部無明文可復時中之汝陽佳

少年二十六出奇家有持盃手兩好當一施風吹酒面
灰月度盃心遲百年容有命一笑更須時

椰子酒盃

張安國

矮胡生南方託家碧山崖採擇供貢簞扶持上天街愧
此愿慙姿欲售久未諧道傍麴先生風味固自佳逢渠
即傾蓋輸寫能開懷刮削出光采規繩去歌窠金玉豈
足貴膠漆真吾儕客來有嘉招二士往必偕婆娑止坐
隅供饋煩金釵矮胡雖未强醇德真無涯虛心實其腹

居然外形骸微物幸見用棄置理則乖毛穎有封國陶
匏薦欽柴大藥起世病炮燔及根荄愿子自洗濯勿受
塵埃埋暇日肯相從醉經坐高齋

律詩

瓦盆


杜甫

莫笑田家老瓦盆自從盛酒長兒孫傾銀注玉驚人眼
共醉還同卧竹根

謝揚景仁惠酒器

黃魯直

楊君喜我梨花盞却念初無注酒魁
燿矮金壺肯持送
櫻莎殘翡更傳盃



古今事文類聚續集卷十三

欽定四庫全書

子部

古今事文類聚續集卷十四

詳校官中書臣孫衡

侍讀臣孫球覆勘

總校官編修臣王燕緒

校對官中書臣潘要雋

謄錄監生臣俞昌言

欽定四庫全書

古今事文類聚續集卷十四

宋 祝穆 撰

燕飲部

送酒

羣書要語何以贈之清酒百壺詩

詩句誰分銀盃送清醇坡

古今事實

載酒問字

揚雄家貧嗜酒人希至其門時有好事者載酒肴問奇字

投醪飲河

昔者良將用兵人有饋一單醪者使投之於河令將士迎流而飲之夫單醪不能味一河水三軍思為之死非

滋味及之也

黃石公記

半道送酒

江州刺史王弘欲識淵明而不能致淵明嘗往廬山弘命淵明故人龐通之賁酒具於半道栗里之間邀之淵明有脚疾使一門生二兒舉藍輿旣至欣然便共飲酌俄頃弘至亦無忤也

餉酒易水

晉孔嚴祖父奕為全椒令明察過人時有遺其酒者始入門奕遙曰餉吾兩甕酒其一何故非也檢視之果是水或問何以知之奕曰酒重水輕提酒者手有輕重之

異故耳

求酒送洩

宋臧質在盱眙魏太武自廣陵還就質求酒質封洩便與之太武怒甚攻圍三旬不下乃去

嗜酒自娛

唐元德秀罷魯山令愛陸渾佳山水乃定居不為墻垣
扁鑰無僕妾歲饑或不爨嗜酒陶然彈琴自娛人以酒
肴從之不問賢鄙為酣飲

詐稱飲酒

李泌以虛誕自任嘗對客曰令家人速洒掃今夜洪崖先生來有人遺美酒會有客至乃曰麻姑送酒來與君同傾未畢門者曰某侍郎取榼子泌命倒還略無忤色

國史補

古今文集

律詩

謝嚴中丞送青城山道士乳酒

杜甫

山瓶乳酒下青雲氣味濃香幸見分鳴鞭走送憐漁父
洗盞開嘗對馬軍

章質夫送酒六壺書至而酒不達吏跌而亡

之戲作小詩問之

蘇子瞻

白衣送酒舞淵明急掃風軒洗破觥豈意青州六從事
化為烏有一先生空煩左手持新蟹謾遶東籬嗅落英
南海使君今北海定分百榼餉春耕

謝人寄酒

舊香餘味寄黃封
厭見紅泥滿眼紅
千乘莫從公子後
百壺能為故人東

沽酒

羣書要語無酒酤我

伐木

詩句美酒斗十千

文選

鄰人有美酒稚子夜能賒

杜

僮僕

來城市瓶中得酒還

杜

隔屋喚西家借問有酒不

杜

憶

與高李輩為覓酒家壚

杜

論交入酒壚

杜

顏公三十萬

盡付酒家錢

李白

且願得志速相就牀頭常有沽酒錢

宋鮑

昭街頭酒價常苦貴方外酒徒稀醉眠速宜相就飲一

斗恰有三百青銅錢

杜鵑側行

酒債尋常行處有

杜村落家

家有濁醪青旗招客醉祇稠荆公慙無白水真人分難致

青州從事來

后山

拂帽村帘誇酒好為吾聊解一瓢香

山谷

自遣赤脚沽春釀

山谷

古今事實

沽酒不食

孔子沽酒市脯不食

初榷酒酤

漢武帝天漢二年初榷酒酤

開壚賣酒

王莽時魯唐言請法古今作酒開壚以賣

通典

當壚滌器

司馬相如與卓文君臨邛賣酒舍文君當壚相如與傭

保雜作滌器

賣傭酒家

樂布賣傭於齊為酒家保

便了不沽酒

見奴僕門

叱奴沽酒

劉寬嘗坐客遣蒼頭市酒迺久大醉而還客不堪之罵
曰畜產寬須臾遣人視奴疑必自殺顧左右曰此人也
罵言畜產辱孰甚焉故吾懼其死也

東觀漢記

千文一斗

孝靈末百司酒酒十文一斗

典論

欠人酒債

孫濟權之叔也嗜酒不治產業常醉屢欠酒緡人皆笑之濟恬然自若謂人曰尋常行坐處欠人酒債欲貨此緡袍償之

賒酒約還

吳潘璋字文章性博蕩嗜酒居貧好賒酤債家至門輒言後貴當還

杖頭掛錢

阮宣常步行以百錢掛杖頭至酒店便獨酣暢雖當世富貴而不肯顧家無儋石之儲晏如也

本傳

醉鄰婦側

阮公鄰家婦有美色當壚酤酒阮與王安豐常從婦飲酒既醉便眠婦側夫不疑之伺察無他意

金貂換酒

阮孚為常侍以金貂換酒為有司所彈賀知章一見

李白呼為謫仙人以金龜換酒與之共飲

撫言

悉送酒家

劉延之與淵明情款延之為始安郡經過臨去留二萬
錢與淵明淵明為送酒家稍當取酒 唐陽城為諫議
大夫每約二弟吾所俸入而可度食米幾何薪菜鹽幾
錢先具之餘悉送酒家無留也

過黃公壚

王戎為尚書令着公服過黃公壚謂後車客曰吾昔與

嵇叔夜阮嗣宗酣暢於此壚自嵇阮亡以來便為時所
羈紲今視此雖近邈若山河

世說

受酒酤賣

後魏鄭義為西兗州刺史多所受納政以賄成性又嗇
怯人有禮餉者不與盃酒齋肉西門受羊酒東門酤賣
之

停車詣酒壚

齊謝幾卿性通脫為尚書左丞嘗預樂遊苑宴不得醉

而還詣道邊酒壚停車褰幔與車前三騶對飲觀者如堵幾卿自若

命酒獨酌

馬周字賓王舍新豐逆旅主人不之顧周命酒一斗八升悠然獨酌衆異之朝野僉載

飲于市肆

仁宗在東宮魯簡肅公宗道為諭德一日真宗急召公將有所問使者及門而公不在移時乃自仁和肆中飲

歸中使遽入白乃與公約曰上恠公來遲當託何事以對公曰但以實告曰然則當得罪公曰飲酒人之常情欺君臣子之大罪中使嗟歎而去真宗果問使者具如公對真宗問卿何故私入酒家公謝曰臣家貧無器皿酒肆百物具備賓至如歸適有鄉里親客自遠來遂與之飲然臣既易服市人亦無識臣者仁宗曰卿為宮臣恐為御史所彈然自此奇公以為忠實可大用

歸田錄

古今文集

雜著

張仲吉綠陰堂記

黃魯直

嘉陽張仲吉寓舍於樊道以酒壚為家產若朝夕汲汲於囂中之贏惟不足及能種花養竹閒閒於林下之樂常有餘其子寬夫又從予學故予數將諸生過其家近市而有山林趣花竹成陰啼鳥鳴蛙常與人意相值或時把酒至夜漏下二十刻雲陰雷風與諸生衝雨踏泥而歸諸生從余未嘗有厭倦焉則仲吉父子好事喜賓

客可知也今蒙恩放還去此有日矣故書游息之樂使
工李燾刻之綠陰堂上使後之不及與余同時者得觀
焉

設法賣酒

設法賣酒所在官吏遂張樂集妓女以來小民此最為
害教而必為之辭曰與民同樂豈不誣哉夫誘引無知
之民以漁其財是在百姓為之理亦當禁而官吏為之
上下不以為恠不知為政之過且民之有財亦殫上之

人與之愛惜而巧求暗取之雖無鞭笞以強民其所為

有甚於鞭笞矣

楊龜山語錄

酒肆旗望

今都城及郡縣酒務凡鬻酒之肆皆揭大帘於外以青白布數幅為之徵者隨其高卑小大村店或掛瓶瓢標
第桴唐人多詠於詩然其制盖自古然矣韓非子云宋
人有酤酒者斗桀甚平遇客甚謹為酒甚美懸幟甚高
而酒不售遂至於酸所謂懸幟者此也

容齋隨筆

古詩

戲簡鄭廣文兼呈蘇司業 杜甫

醉歌行又云時赴鄭老同襟期得錢即相

覓沽酒不復疑

廣文到官舍繫馬堂階下醉即騎馬歸頗遭官長罵才
名三十年坐客寒無氈賴有蘇司業時時與酒錢

酒肆行

韋應物

豪家沽酒長安陌一旦起樓高百尺碧疏玲瓏含春風

銀題綵幟邀上客迴瞻丹鳳闕直視樂遊苑四方稱賞
名已高五陵車馬無近遠情景悠揚三月天桃花飄俎
柳垂筵繁絲急管一時奏地壚隣肆何寂然主人無厭
且專利百斛一釀斯須美初釀後薄為大偷飲者知名
不知味深門潛醉客來稀終歲醇釀味不移長安酒徒
空擾擾路傍過者那得知

送同年蒲叔範察院杭州監酒

王疇

釋之久未調王粲嘗從軍謂言塞垣事壯志橫風雲育
材幸明代薦賢無令君如何漢酤冗沉此荆山珍萍氏
本樂酒周官有彛倫孝武事攘却志清天地屯連兵無
時已四海蕭然貧官始操釀具擁之飽師人利源一以
洩頽波蕩無垠糜穀費耒耜良藁爭清醇酒禁著律令
犯笞及其身狂藥乃陷甯傷哉堯舜民炎靈屬我后天
資英且仁邦力早雄富漢制仍相循歲賦二十萬經入
固已勤彌年擁武節乘邊清國氛雄雄百萬師跨邁聯

燕秦仰給傾府庫賞賚圖戎勲加歛猶不足返古當何
云抗城東南劇地將湖海鄰權利冠天下旗亭壓重閨
彼雖斗筭職亦擇才英臣風露氣已肅溪潭寒彌新沙
榜朝泛泛吳濤暮汙汙南州近牛斗氣象雄霜旻汀楓
變老拚赤葉晴相紛嘗茶泊幽寺觀魚下輕舫行當收
翹楚寧復混蒸薪無為狎吳叟坐戀秋江蓼

律詩

酒市

朱元晦

聞說崇安市家家麴米春樓頭邀上客花底覓南鄰詎
有當壚子應無折券人勸君渾莫問一醉便還醇

麗藻摘雲錦新章寫陟釐詩傳國風體興發酒家旗見
說難中聖遙知但啜醕盤飧雜鮭菜那有蟹螯持

少年行

杜甫

馬上誰家白面郎臨階下馬坐人牀不通姓字粗豪甚
指點銀瓶索酒嘗

燕飲
飲酒

羣書要語夫豢豕為酒非以為禍也而獄訟繁則酒之
流生禍也是故先王因為酒禮一獻之禮賓主百拜終
日飲酒而不得醉焉此先王所以避酒禍也

樂記

君子之

飲酒也一爵而色洒如也注肅敬貌二爵而言言斯注
和敬貌三爵而油油以退注悅敬貌禮為酒食以召鄉
黨僚友

曲禮

觴酒豆肉讓而受惡民猶犯齒

坊記

有不速之

客三人來注速召也

需卦

醉酒飽德人有士君子之行

既醉

人之齊聖飲酒溫克

小宛

賓之初筵左右秩秩籩豆有楚

穀核維旅飲酒孔嘉維其令儀

賓筵

既有肥牡以速諸舅

寧適不來微我有咎

伐木

卿會公侯燕饗皆折俎不體薦

左傳注

唯酒無量不及亂

鄉黨

日昃不飲酒酒必酸賓主百

拜而酒三行

楊子

夫飲之禮不脫屣而即序者謂之禮跣

而上坐者謂之宴能飲者飲之不能飲者已謂之醺齊

顏色均衆寡謂之沉閉門不出者謂之酒故君子可以

宴可以醺不可以酒

韓詩外傳

夫妻治具

灌夫傳

厚具樂飲

陸賈

以惡草具進

陳平傳

飾厨傳稱過客

宣紀

酒食者所以合歡

也史樂書與李陵未嘗啣盃酒接慇懃之歡馬遷引滿舉

白班固叙傳烹羊烹羔斗酒自勞酒後耳熱仰天拊缶楊惲傳

今夕止可談風月南史重客至矣授館致餼柳文

詩句有客遠方來過我漏蓬華瓦壘酌松醪呼兒具紙筆

詞語清冰霜書如鸞鳳立陸士衡家貧無供具客位但箕帚

杜還間稚子說有客款柴扉范彥龍贈張徐州野外貧家遠村中

好客稀杜夜雨剪春韭新炊間黃粱主稱會面難一舉累

十觴杜贈衛處士犯卯不須愁且乞醉過申馮異中醉貌如霜

葉雖紅不是春白 午茶能散睡白 夕酒善消愁白 孟行到君

集

莫停手破除萬事無過酒韓贈鄭兵曹 斷送一生唯有酒韓子

弟聞姊來磨刀霍霍向猪羊韓木蘭 頻頻到口微成醉拍拍

滿懷都是春邵堯夫 公獨未知其趣耳臣今時復一中之坡

古今事實

漢賜民酺

漢文帝賜酺三日注賜民得聚會飲酒

召客謝病

卓王孫為具召臨邛令王吉及司馬長卿令既至日中
司馬長卿謝病不能臨臨邛令不敢嘗食身自迎相如
不得已而強往一坐盡傾

相如傳

約幾不至

灌夫字仲孺嘗有服過丞相蚡蚡從容曰吾欲與仲孺
過魏其侯會仲孺有服夫曰將軍廼肯幸臨況魏其侯
實嬰夫安敢以服為解蚡許諾夫以語嬰嬰與夫人益
市牛酒夜洒掃張具至日中蚡不來夫廼駕自往迎蚡

蚡特前戲夫殊無意往夫至門蚡尚卧也蚡悟謝曰吾醉忘與仲孺言廼駕往卒飲至夜極歡而去

投轄留賓

陳遵字孟公嗜酒每大飲賓客滿堂輒闔門取客車轄投井中倘有急不得去嘗有部刺史奏事過遵候遵沾醉入見遵母叩頭自白當對有期會母乃令從後閤出去遵所到衣冠懷之惟恐在後時列侯有與遵同姓字者每至人間曰陳孟公坐中莫不震動既至而非因號

其人曰陳驚坐云

歌驪駒

王式為昌邑王師王以淫亂式繫獄以減死論後除博士式徵來衣博士衣而不冠曰刑餘之人何宜復充禮官既至今止舍中會諸大夫共持酒肉勞式皆注意高仰之博士江公世為魯詩宗至江公著孝經說心嫉式

謂歌吹諸生曰歌驪駒

逸詩篇名獸也去歌之其式曰辭云驪駒在門僕夫具存

聞之於師客歌驪駒主人歌客毋庸歸

下文行下客字驪駒者將歸之

歌主人無所歸不當歌也今日諸君為主人日尚早未可也江翁曰

經何以言之式曰在曲禮江翁曰何狗曲也式耻之陽

醉邊

徒浪反

地式宴罷讓諸生曰我本不欲來諸生強勸

我竟為孺子所辱遂謝免歸

坐客常滿

後漢孔融為大中大夫職閒賓客日盈其門歎曰坐上客常滿尊中酒不空吾無憂矣與蔡邕素善邕卒後有虎賁士貌類邕融每酒酣引同坐曰雖無老成人尚有

典刑

佯醉取怒

吳虞翻孫權歡宴之末自起行酒伏地佯醉不持權去
翻起坐權大怒手劍欲擊之大司農劉基救解乃免

召鄒延枚

梁王不悅遊於兔園乃置旨酒命賓友召鄒生延枚叟

謝惠

連賦

孟中蛇影

見疾病門

坐無車公

車屑善於賞會當時每有盛集而屑不在皆曰坐無車公不樂謝安遊集之日輒開筵待之

能飲為所賞

何充字次道能飲酒雅為劉恢所賞每云見次道飲令人欲傾家釀言其溫克也

擲面而去

王夷甫嘗宴集為族人所怒舉標擲其面行初無言引

王導共載而去然心不能平在車中攬鏡自照謂導曰
爾看吾目光乃在牛背上矣

酒少不及

王戎與阮籍飲時兖州刺史劉景字公榮在坐以酒少
不及景景無恨色戎異之他日問籍曰彼何如人曰勝
公榮則不可不與飲若減公榮則不敢不共飲惟公榮
可不與飲

罪行酒者

王敦字處仲王導字茂弘敦與導嘗造王愷愷使美人行酒以客飲不盡輒殺之酒至導敦所敦固不肯持美人悲懼失色而敦傲然不視導素不能飲恐行酒者得罪遂勉強盡觴導還歎曰處仲若當世心懷剛忍非令終也

飲行觴者

陰鏗為湘東王叅軍與賓友宴飲見行觴者因回酒炙授之坐客皆笑鏗曰吾儕終日酣醉而執爵者不知其

味非人情也及侯景亂鏗為賊擒或救之得免鏗問之

乃前行觴者

又顧榮同

啖執炙者

顧榮與同僚宴飲見執炙者狀貌不凡有欲炙之色榮割炙啗之坐者問其故榮曰豈有終日執之而不知其味者乎及趙王倫篡位以榮為長史倫敗榮被執將誅而執炙者為督率救之得免

至晚無佳設

羊曼拜丹陽尹客來早者並得佳設日晏漸罄不復及精隨客早晚不問貴賤羊固拜臨海竟日皆美供雖晚至亦獲盛饌時論以固之豐華不如曼之真率

回頭避妓

齊王琨性謹慎顏師伯豪貴設女樂要琨傳酒行炙皆命妓傳行每至琨令置牀上回面避之然後取畢又如此坐上皆笑

不飲而好賓

梁羊侃不飲酒而好賓遊終日獻酬同其醒醉

不飲而好觀醉

後周長孫澄雖不飲酒好觀人酣醉嘗恐坐客請歸勅中厨別進異饌

一會十萬緡

郭子儀入朝上命元載王縉魚朝恩等互置酒於其第

一會之費至十萬緡

通鑑

非公會不飲

段秀實非公會不飲

不飲為惡客

元結以不飲者為惡客

把酒相歡

裴度字中立治第集賢里野服蕭散與白居易劉禹錫
為文把酒窮晝夜相歡不問人間事

鋪花為裯

學士許慎與親友宴花園中聚落花鋪坐曰吾自有花

裊何消坐具

天寶遺事

笏擊姦臣

顧少連裴延齡方橫無敢忤者嘗與少連會田鎬第
酒酣少連挺笏曰段秀實笏擊賊臣今吾笏將擊姦臣
奮且前元友直在坐勸解之

費錦纏頭

開元中富人王元寶嘗會賓客明日親友問之曰時來
高會有何高談元寶不大視屋良久曰但費錦纏頭耳

誤以醺進

唐李景略嘗宴僚佐行酒者誤以醺進判官京兆任廸簡以景略性嚴恐行酒者獲罪強飲之

順紀

儉不二羹

柳玘曰高侍郎兄弟三人俱居清列非速客不二羹哉
夕食惟蔔匏而已

必來獵酒

五代漢韋思在上黨五年唯務聚飲未嘗與賓佐燕會

有從事求見思怒曰必是來獵酒也命典客飲而遣之

續世說

不可屈致

仁宗朝李都尉喜延士大夫盡聲色之樂一時館閣清流無不往者韓魏公最年少獨未嘗造焉李數召而公數以事辭人有強之者公曰固欲往但未有名耳公處之不失和李莫能致怨當時諸公亦不以為介也

別錄

先呈樂語

文潞公尹洛伊川時為判監一日府會四客伊川以見
任故赴到客次見樂人來呈樂語并詩詞先生訝之曰
不須呈看何故如此樂人曰昨日得太師釣旨明日請
程侍講詞曲並要嚴謹依禮法故先來呈

息從卒喧

文潞公知益州喜遊宴嘗宴鈴轄廨舍夜久不罷從卒
輒拆馬廐為之薪不可禁遏軍校白之座客股栗公曰
天實寒可拆與之神色自若飲如故從卒氣沮無以為

變記
聞

閉關苛留

冠準在中書多召兩制就第飲宴必閉關苛留之畏醉者甚懼李宗諤嘗於門扉下竊出得馬而走

金坡遺事

不能強之飲

司馬溫公嘗曰昔與王介甫同為郡牧司判官包孝肅公為使時號清嚴一日郡牧司牡丹盛開包公置酒賞之公舉酒以勸光素不飲酒亦強飲介甫終席不飲包

公不能強也光以此知其不屈

聞見錄

布衣與執政燕

蘇明允至和間來京師既為歐陽文忠所知名翕然
韓忠獻諸公皆待以上客嘗遇重陽忠獻置酒私第惟
文忠與一二執政而明允乃以布衣叅其間都人以為

異禮

石林詩話

作真率會

范忠宣公純仁判留臺時一時耆舊多在洛公與司馬

公皆好客而家貧相約為真率會脫粟一飯酒數行過
從不間一日洛中誇以為勝事

行狀

昔儉今奢

溫公曰先公為郡牧判官客至未嘗不置酒或三行或
五行不過七行酒沽於市果止梨栗棗柿肴止於脯醢
菜羹器用礪漆當時士大夫皆然人不相非也會數而
禮勤物薄而情厚近日士大夫家酒非內法果非遠方
珍異食非多品器皿非滿案不敢會賓友嘗數日營聚

然後敢發書苟或不然人爭非之以為鄙吝故不隨俗奢靡者鮮矣嗟乎風俗頽敝如是居位者雖不能禁忍

助之乎

聞見錄

酒澆磊砢

以下係飲酒

王遜問王忱阮籍何如司馬相如忱曰阮籍胸中磊砢故須酒澆之言同相如唯有酒異

世說

葛巾漉酒

陶潛逢酒熟取頭上葛巾漉之畢還復著之

避暑飲

見六月門

口唯宜飲

謝朓為吳興與弟淪於征虜渚送別朓指淪口曰此中
唯宜飲酒

仙浴酒甕

張開光嘗與母及弟出遊獨留嫗守舍俄有道士敝衣
冠疥癬被體直入裸浴酒甕中嫗不能拒既暮出遊歸
渴甚聞酒芳烈亟就盎中飲嫗心惡道士不敢白而但

不飲居數日開光與母弟拔宅而去此事與葛洪神仙傳李八百事略同

曾慥集
仙傳

醉人見証

郭肱有才學而輕脫夜出為醉人所証太守詰問肱笑曰張公喫酒李公醉者肱是也太守令作張公喫酒李公醉賦肱云事有不可測人當防未然何張公之飲也乃李老之醉焉清河丈人方肆杯盤之樂隴西公子俄遭酩酊之愆守笑而釋之

遜齋
閒覽

古今文集

雜著

趙季仁司直習鄉飲酒序

見鄉里門

賜酺源流

宋初號令猶有漢唐之遺風大中祥符元年正月三日
天書降大赦改元東都賜酺五日天下賜酺三日此蓋
漢遺事也漢律三人以上無故飲酒罰金四兩故漢以
賜酺為惠澤令得羣飲酒也

酺音蒲

注曰王德布於天下

而令聚飲食為醕或問賜醕起於漢乎僕對曰趙世家載武靈王行賞大赦置酒醕五日則自戰國時已如此

矣

演繁露

藍尾酒

白樂天元日對酒詩三盃藍尾酒一堞膠牙餚又云老過占他藍尾酒病餘收得到頭身歲盡後推藍尾酒春盤先勸膠牙餚荆楚歲時記云膠牙者取其堅固如膠也而藍尾之義殊不可曉河東記載中屠澄與路旁茅

舍老父嫗及處女環火而坐嫗自外挈酒壺至曰此君
胃寒且進一盃澄因揖遜曰始自主人翁即巡澄當藍
尾蓋以藍為婪當藍尾者謂最在後飲也葉少蘊石林
燕語云唐人言藍尾多不同藍字當作唼出於侯白酒
律謂酒巡匝末坐者連飲二盃為藍尾末坐遠酒行到
常遲故連飲以慰之以唼為貪婪之意或謂唼為燖如
鐵入火貴其出色此尤無稽則唐人自不能曉此葉之
說如此予謂不然白公三盃之句只為酒之巡數耳安

有連飲者哉侯白滑稽之語見於啟顏錄唐藝文志白
有啟顏錄十卷雜語五卷不聞有酒律之書也蘇鶚演
義亦引其說

容齋
隨筆

古詩

郡中與諸文士讌集

韋應物

兵衛森畫戟燕寢凝清香海上風雨至逍遙池閣涼煩
痾正消微嘉賓復滿堂自慙居處崇未覩斯民康理會
是非遣性達形迹忘鮮肥屬時禁蔬果幸得嘗俯飲一

盃酒仰聆金玉章神歡體自輕意欲凌風翔吳中盛文
史羣彥今洋洋方知大藩地豈曰財賦彊

歌舞

白居易

秦城歲云暮大雪滿皇州雪中朝退者朱紫盡公侯貴
有風雲興富無饑寒憂所營為第宅所務在追遊朱輪
車馬客紅燭歌舞樓歡酣促密坐醉暖脫重裘秋官為
主人廷尉居上頭日中一為樂夜半不能休豈知閹鄉
獄中有凍死囚

到官病倦未嘗會客毛正仲惠茶乃以端午

小集石塔戲作一詩為謝 蘇子瞻

我生亦何須一飽萬想滅胡為設方丈養此膚寸舌東

來又衰病過午食輒噎謬為淮海帥每愧厨傳缺爨舍

欲清人奉使免內熱

莊子人間世吾食也鼎粗而不臧
爨無欲清之人今吾朝受命而夕

飲冰我其內熱
與清七性反

空煩赤泥印遠致紫玉玦為君代羔豚

歌舞菰黍節禪窓麗午景蜀井出冰雪坐客皆可人鼎

器手自潔金釵候湯眼魚蟹亦應詎遂令色香味一日

備三絕報君不虛授知我非輕啜

四事

邵堯夫

會有四不赴時有四不出無貴亦無賤無固亦無必里
閑閑過從身安心自逸如此三十年幸逢太平日

謂公會生會葬會醺會大寒大暑大風大雨也

勸酒

白居易

昨與美人對樽酒朱顏如花腰似柳今與美人傾一盃
秋風颯颯頭上來年光似水向東去兩鬢不禁白日催

東隣起樓高百尺璇題照日光相射珠翠無非二八人
盤筵何翅三千客隣家儒者方下帷夜誦古書朝忍饑
身年三十未入仕仰望東隣安可期一朝逸翮乘風勢
金榜高張登上第春闈未了又登科九萬搏風誰與繼
不逾十稔居台衡門前車馬紛縱橫人人仰望在何處
造化筆頭雲雨生東隣高樓色未改主人云亡息猶在
金玉車乘一不存朱門更有何人待垣墻反鎖長安春
樓臺漸漸屬西隣松篁薄暮亦棲鳥桃李無情還笑人

憶昔東鄰宅初構雲霓彩棟皆非舊瑤瑁筵前翡翠樓
芙蓉池上鴛鴦闥日往月來凡幾秋一衰一盛何悠悠
但教帝里笙歌在池上年年醉五侯

律詩

飲散夜歸贈諸客

白居易

車馬夜紛紛香街起暗塵迴鞭招醉妓分火送歸人風
月應堪待盃觴莫厭頻明朝三月盡忍不送殘春

東都冬日會諸同年宴鄭家林亭得先字

白居易

盛時陪上第暇日會羣賢桂折應同樹鶯遷各異年賓
階紛組綬妓席儼花鈿促膝齊榮賤差肩次後先助歌
林下水銷酒雪中天他日昇沉者無忘共此筵

宴散

白居易

小宴追涼散平橋步月迴笙歌歸院落燈火下樓臺殘
暑蟬催盡新秋鴈帶來將何迎睡興臨臥舉殘盃

安之以詩二絕見招作真率會光以無從者

不及赴依韻和呈

司馬君實

真率由來無次序
經旬踰月不為稀
籃輿但恨無人舉
坐想紛紛醉落暉

又

盃盤豐腴勝陶令
園沼繁華減白家
惆悵佳辰掩蓬蓽
不陪高會賞鄰花

和

文寬夫

近知雅會名真率
有意從真各任真
啜菽盡甘顏子陋

食鮮不愧庾郎貧加籩只恐勞煩主緝御徒能困倦賓
適適安安方簡易古來彭澤是其人

和

范醇夫

賢者規模衆所遵屏除外飾貴全真盍簪旣屢宜從簡
為身雖踈不愧貧免事獻酬修末節都將誠實奉嘉賓
豈惟同志欣相照清約猶能化後人

和

鮮于子駿

羹藜寂寞天隨子換酒風流賀季真談水論交自忘味

道腴充實不知貧萬錢縱侈輕豪貴三壽優游萃燕賓
奔走每憐饒俗狀謫官猶作會中人

和潞公真率會詩

司馬君實

洛下衣冠愛惜春相從小飲任天真隨家所有自可樂
為具更微誰笑貧不待珍羞方下筯只將佳景便娛賓
庾公此興知非淺藜藿終難作主人

詩話

醉紅裙

東坡謂韓退之詩長安衆富兒盤饌羅羶葷不解文字
飲惟能醉紅裙至云艷姬踏筵舞清眸射劍戟則知此

老箇中興復不淺

西清詩話

一客傷衆賓

李定晏元獻公之甥文亦奇欲預賽神會而蘇子美以
任子拒之致興大獄梅聖俞詩云一客不得食覆鼎傷

衆賓是也

詩話

譏不常設燕

陳恭公知揚州陳少卿亞曰近作一謎四箇脚子直上
四箇脚子直下經年度歲不曾下若下時不是風起便
雨下公未曉亞曰乃待制廳上茶牀苟或宴會即慳值
風澁值雨也

倦遊
雜錄

雜著

以下係飲酒

陶白奢儉不同

張文潛云陶元亮雖嗜酒家貧不能常飲酒而況必飲
美酒乎其所與飲多田野樵漁之人班坐林間所以奉

身而悅口腹者蓋略矣白樂天亦嗜酒其家釀黃醅者
蓋善酒也又每飲酒必有絲竹僮妓之奉洛園山水風
物甲天下有所與游如裴度劉禹錫之徒皆一時名士
也夫欲為元亮則窘陋而難安欲為樂天則備足而難
成吳德仁居二人之間真率僅似陶而奉養略如白其
於達則並有之豈非賢哉

漁隱叢話

古詩

飲酒

陶潛

清晨聞扣門倒裳往自開問子為誰與田父有好懷壺
漿遠見候疑我與時乖藍縷茅簷下未足為高栖一世
皆尚同願為汨其泥深感父老言稟氣寡所諧紆轡誠
可學違已詎非迷且共歡此飲吾駕不可回

羲農去我久舉世少復真汲汲魯中叟彌縫使其淳鳳
鳥雖不至禮樂暫得新洙泗輟微響漂流逮狂秦詩書
復何罪一朝成灰塵區區諸老翁為事誠殷勤如何絕
世下六籍無一親終日馳車走不見所問津若復不快

飲空負頭上巾但恨多謬誤君當恕醉人

遭田父泥飲美嚴中丞 杜甫

步屨隨春風村村自花柳田翁逼社日邀我嘗春酒酒
酣誇新尹畜眼未見有回頭指大男渠是弓弩手名在
飛騎籍長畝歲時久前日放營農辛苦救衰朽差科死
則已誓不舉家走今年大作社拾遺能往否叫婦開大
瓶盆中為吾取感此氣揚揚須知風化首語多雖雜亂
說尹終在口朝來偶然出自卯將及酉久客惜人情如

何拒鄰吏高聲索果栗欲起時被肘指揮過無禮未覺
村野醜月出遮我留仍嗔問升斗

賢者豹隱墟落固當和光同塵雖舍者爭席奚病
而況於盃酒之間哉陶淵明杜子美皆世偉人也
每田父索飲必使之畢其歡而後去淵明詩云清
晨聞扣門倒裳往自開問子為誰歟田父有好懷
壺漿遠見候疑我與時乖老杜詩云田翁逼社日
邀我嘗春酒叫婦開大瓶盆中為吾取二公皆有

位者也於田父何拒焉至于田父有云一世皆尚
同願君汨其泥之說則姑守陶之介久客惜人情
如何拒鄰叟則何妨杜之通乎

陽秋

獨酌謠

沈炯英華

獨酌謠獨酌謠獨酌獨長謠智者不我顧愚夫余不要
不愚復不智誰當余見招所以成獨酌一酌一傾瓢生
涯本謾謾用意暫迢迢再酌矜許史三酌傲松喬頻煩
四五酌不覺凌丹霄倏忽厭五鼎俄然賤九韶彭殤無

異葬夷跖可同朝
龍蟄非不屈
鵬鷃本逍遙
寄語號呶俗
無乃太塵囂

律詩

飲酒

杜荀鶴

憑君滿斟酒
聽我醉中吟
客路如天遠
侯門似海深
新墳侵古道
白髮戀黃金
不以貧為耻
從來恨此心

酒

翁綬

陶暑迎春復送秋
無非綠蟻滿盃浮
百年莫惜千回醉

一盞能消萬古愁
樂為芳菲眠細草
曾因雨雪上高樓
平生名利關身者
不識狂歌到白頭



古今事文類聚續集卷十四